

兒時記趣

rhi shi gi` ci`

作者：沈復

年代：清代

散文

余憶童稚時，能張目對
 rhi rhid` tung chi` shi nen zhong` mug` dui`
 日，明察秋毫。見藐小微
 ngid` min cad` ciu` ho gien` miao` siao` mi
 物，必細察其紋理，故時
 vud bid` se` cad` ki vun li` gu` shi
 有物外之趣。夏蚊成雷，
 rhiu` vud nguai` zii` ci` ha` mun` shin lui
 私擬作群鶴舞空，心之所
 sii` ngi` zog` kiun hog vu` kung` sim` zii` so`
 向，則或千或百，果然鶴
 hong` zed` fed cien` fed bag` go` rhien hog
 也；昂首觀之，項為之強。
 rhia` ngong shiu` guan` zii` hong` vui` zii` kiong
 又留蚊於素帳中，徐噴以
 rhiu` liu mun` rhi su` zhong` zhung` ci pun` rhi`
 煙，使之沖煙飛鳴，
 rhien` sii` zii` cung` rhien` fui` min

作青雲白鶴觀；果如鶴唳

雲端，為之怡然稱快。

又常於土牆凹凸處、花

臺小草叢雜處，蹲其身，

使與臺齊；定神細視，以

叢草為林，蟲蟻為獸；以

土礫凸者為丘，凹者為壑，

神遊其中，怡然自得。

一日，見二蟲鬥草間，

觀之，興正濃，忽有龐然

大物，拔山倒樹而來，蓋

一癩蝦蟆也。舌一吐而二

蟲盡為所吞。余年幼，方

出神，不覺呀然驚恐。神

定，捉蝦蟆，鞭數十，驅

之別院。